



Tâu-chá ê Jîn-ài Kong-hêng

Ng Kong-chieu

Jîn-ài Kong-hêng tī Ài-hô ê piⁿ--á, chêng-sin sī chhut-miâ ê tē-hā-ke. 1989 nî chit-tiûⁿ tōa-hóe, hō tē-hā-ke kiâⁿ-jip lèk-sú. Tē-hā-ke ê chêng-sin sī thé-iòk-tiûⁿ. 1960 nî í-chêng Ko-hiông-chhī chû-pân ê séng-ûn-hōe lóng tī chia kí-pân. I ê tùi-bîn sī lèk-sú phok-bút-kóan, chhù-thé sī kū chhī-chèng-hú lâu--ló--lái--ê, sòng sī kó-cheek. 1999 nî Tâi-ôan 921 tōa tē-tâng, chit lé-pài ãu, Jít-pún Chheng-chuí Kiàn-siat, phài chí t-ê kiàn-tiòk-su lâi kiám-cha chit tòng 60 nî chêng in khí ê chhù, khòaⁿ ū siū sún-hâi--bô. Góa iáu m̄-bat khòaⁿ kòe chiah-nih kú ê siū-ãu hòk-bû(after service).

Jîn-ài Kong-hêng tang-pêng sī Ài-hô, "hā-chè" chêng-ãu, jit-thâu phian pak, thàu-chá 5 tiám gōa tiòh tùi Tâi-tōng-lō tang--chhut--lái lah, jit-thâu chiū khai-sí chiò tiòh kong-hêng. Chá-khí ê lâng í-keng liòk-liòk siòk-siòk lâi kàu kong-hêng, chò in ài chò ê óah-tōng. Ài-hô lióng-hōaⁿ ū "jîn-hêng pō-tō", ū lâng teh sàñ-pō, ū lâng teh chò thé-chhau, kah-ná kong-hêng ê chit pō-hûn.

Ài-hô ê chuí, chit kúi nî lâi ke chin chheng-khì, mā bē chhau lah. Hōaⁿ-piⁿ, Tiong-chêng-kiô kap Ko-hiông-kiô téng-bîn ê kok-chióng teng-hóe, siat-pī, chō-hêng chin suis, àm-sî-á ū kàu bê-lâng. 2,30 tang chêng chit-ê sèⁿ Ng ê phok-sian líp-úi kiàn-gî kā Siū-san, Ài-hô kái chò Bân-siū-san, Jîn-ài-hô lâi kā tōa chhat-thâu Chiúⁿ Kài-sék chiok-siū, kap o-ló i ê jîn-chû. Ka-chài, 1991 nî chhī-chêng-hú koh kā kái tò-tíng-lái. Tong-sî nā kui-khì kā Siū-san kái chò

"Siū-pí-lâm-san", koh khah ū chiok-siū ê khùi-kháu.

Kong-hêng lâi ū lâng teh thiàu thór-hong-bú, ū lâng teh thiàu kau-chè-bú, ū 4-5 ê a-pô kò-têng chē tī hit 2 liâu í-á teh khai-kâng. Lâm-pêng phor âng-thô ê sió-hêng pháu-tō, ū lâng teh châu; ūn-tōng-tiâⁿ tiong-ng ū lâng teh phah thài-kék-kûn, ū lâng teh liân khì-kong, mā ū lâng teh phah ú-mô-kiû. Kong-hêng 4 piⁿ sī "jîn-hêng pō-tō", ū lâng tò-thòe kiâⁿ-lō, ū lâng ná kiâⁿ ná phah phòk-á. Kiâⁿ tī i ê sin-piⁿ, sit-cha i chiok chhá. Sai-pêng ê chháu-á-por ū lâng khiā tī hia teh chûn, ū lâng giâh chit-pé thih-sòaⁿ teh sut sin-khu. Ú kúi ê tiong-liân hū-lú teh iô kha-chhng, thiaⁿ kóng iô kú ê pián hô-lô-io. Ú lâng iõng kha-chiah lù chhiû-á, kah-ná phôe teh chiûⁿ. Ú lâng bîn hiòng jit-thâu teh chē siân, kó-chá-lâng kóng án-ne ê-tàng khip-siu jit-góat cheng-hôa. M-kú, i m̄-chai ū chû-ì tiòh hok-siâ-sòaⁿ ê siong-hâi--bô. Siūⁿ bē kàu Tâi-ôan-lâng chò ūn-tōng, kèng-jiân ū chiah-nih chê ê phiat-pō, siáⁿ-mih hêng-hâi, siáⁿ-mih chhut-thâu tiòh ū.

Thàu-chá ūn-tōng chin hó, m̄-kú pō-sò ài chêng-khak, chu-sè nā-tiòh, hâu-kó ê ka-pôe. Ún-tōng bē-sái tâu-ki, bô lâu-kôaⁿ, bē chhóan , sin-khu bē thiám, ná ê ū hâu-kó? Ióng-sêng ūn-tōng ê sîp-kòan, hù-háp òe-seng; tī kong-hêng lâi bô lôan phùi thâm, bô lôan tàn pùn-sò, mā sī òe-seng. M-thang chhin-chhiûⁿ khah châ Tiong-kok Siōng-hái ê gôa-kok-lâng kong-hêng khiā-pâi kìm-chí Tiong-kok-lâng kap káu jip--khì, in-üi bô òe-seng sòa hō lâng khòaⁿ-khin tiòh m̄ hó. Lán ài piáu-hiän hó ê òe-seng sîp-kòan, chiah ê tàng chò it-liû ê kok-bîn.

